



## বীমা উন্নয়ন ও নিয়ন্ত্রণ কর্তৃপক্ষ

৩৭/এ, দিলকুশা বা/এ, ঢাকা  
উন্নয়ন শাখা  
প্রশাসন অনুবিভাগ  
[www.idra.org.bd](http://www.idra.org.bd)

স্মারক নং- ৫৩.০৩.০০০০.০১৭.১৭.০১১.১৭.২৮২

তারিখঃ ১৮ জুলাই ২০১৯

### সংবাদ বিজ্ঞপ্তি

বিষয়: সকল নন-লাইফ বীমা কোম্পানি/কর্পোরেশন এর চেয়ারম্যান ও মুখ্য নির্বাহী কর্মকর্তাদের সাথে বীমা খাতের বর্তমান অবস্থা বিষয়ে বীমা উন্নয়ন ও নিয়ন্ত্রণ কর্তৃপক্ষ এর আলোচনা সভার সংবাদ বিজ্ঞপ্তি।

বীমা খাতের বর্তমান অবস্থা বিশেষত: নন-লাইফ বীমা খাতের অতিরিক্ত কমিশন বাণিজ্য বন্ধে ১৮ জুলাই ২০১৯ তারিখ বেলা ৪:০০ ঘটিকায় বীমা উন্নয়ন ও নিয়ন্ত্রণ কর্তৃপক্ষ এর সঙ্গে সাধারণ বীমা কর্পোরেশনসহ সকল নন-লাইফ বীমা কোম্পানির এক সভা কর্তৃপক্ষের দপ্তরে অনুষ্ঠিত হয়। সভায় সভাপতিত্ব করেন কর্তৃপক্ষের চেয়ারম্যান জনাব মোঃ শফিকুর রহমান পাটোয়ারী।

উক্ত সভায় বিশেষ অতিথি হিসেবে উপস্থিত ছিলেন বাংলাদেশ ইন্স্যুরেন্স এসোসিয়েশন এর প্রেসিডেন্ট শেখ কবির হোসেন। সকল বীমা কোম্পানি/কর্পোরেশন এর চেয়ারম্যান এবং মুখ্য নির্বাহী কর্মকর্তা/ব্যবস্থাপনা পরিচালক, কর্তৃপক্ষের সদস্য, নির্বাহী পরিচালক এবং পরিচালকগণ সভায় উপস্থিত ছিলেন।

সভায় উপস্থিত নন-লাইফ বীমা কোম্পানি/কর্পোরেশন এর চেয়ারম্যান এবং মুখ্য নির্বাহী কর্মকর্তা/ব্যবস্থাপনা পরিচালকগণ ১৫% এর অধিক কমিশন বন্ধে দৃঢ় প্রত্যয় এবং কর্তৃপক্ষের সার্কুলার এর সার্থে পূর্ণ সমর্থন ব্যক্ত করেন।

বাংলাদেশ ইন্স্যুরেন্স এসোসিয়েশন সম্মানিত প্রেসিডেন্ট শেখ কবির হোসেন বীমা উন্নয়ন ও নিয়ন্ত্রণ কর্তৃপক্ষের সাম্প্রতিক সার্কুলার নম্বর নন-লাইফ-৬৪/২০১৯ এর নির্দেশনাসমূহ যথাযথভাবে বাস্তবায়নের জন্য নন-লাইফ বীমাকারীর চেয়ারম্যান ও সিইওগণ যে আন্তরিকতা প্রদর্শন করেছেন এর জন্য সকলকে আন্তরিক কৃতজ্ঞতা ও ধন্যবাদ জানান। তিনি আরো প্রত্যয় ব্যক্ত করেন যে, এখন হতে কোন নন-লাইফ বীমাকারী ১৫% এর অধিক কমিশন প্রদান করে ব্যবসা সংগ্রহ করবে না।

নন-লাইফ বীমা খাতে ১৫% এর অতিরিক্ত কমিশন বন্ধে সকল বীমাকারীর চেয়ারম্যান মহোদয় এবং সিইওগণ, সার্বিকভাবে বাংলাদেশ ইন্স্যুরেন্স এসোসিয়েশন এর সম্মানিত চেয়ারম্যান মহোদয় যে ঐকান্তিক উদ্যোগ গ্রহণ করেছেন এজন্য বীমা উন্নয়ন ও নিয়ন্ত্রণ কর্তৃপক্ষের চেয়ারম্যান জনাব মোঃ শফিকুর রহমান পাটোয়ারী সকলকে আন্তরিক ধন্যবাদ জ্ঞাপন করেন। তিনি আশা করেন সংশ্লিষ্ট সকলের এ কার্যকর এবং সম্মিলিত উদ্যোগের কারণে বীমাখাতে বিশেষত: নন-লাইফ বীমার ক্ষেত্রে শৃংখলা ও সুষ্ঠু বাজার ব্যবস্থা গড়ে উঠবে। তিনি এই উদ্যোগকে সফল করার জন্য সকলের সর্বাঙ্গিক সহযোগিতা কামনা করেন।

সভায় কর্তৃপক্ষের চেয়ারম্যান মহোদয় নন-লাইফ বীমা বীমা শিল্পের উন্নয়নে এবং জাতীয় অর্থনীতিতে বীমা শিল্পের অবদান বৃদ্ধিতে অতিরিক্ত কমিশন বাণিজ্য বন্ধে কর্তৃপক্ষের সার্কুলার নং-নন-লাইফ-৬৪/২০১৯ (স্মারক নং: ৫৩.০৩.০০০০.০৭৫.২২.০১৪.১৮.১৭৮, তারিখ: ০২ জুলাই ২০১৯) যথাযথ প্রতিপালন ও অনুসরণ করার জন্য সংশ্লিষ্ট সকলকে আহবান জানান।

সংযুক্তি: কর্তৃপক্ষের সার্কুলার নং-নন-লাইফ-৬৪/২০১৯ (১ ফর্দ)।

  
(কামরুল হক মারুফ)  
পরিচালক (প্রশাসন)

#### অনুলিপি (জ্ঞাতার্থে):

১. চেয়ারম্যান মহোদয়ের একান্ত সচিব, বীমা উন্নয়ন ও নিয়ন্ত্রণ কর্তৃপক্ষ;
২. সদস্য মহোদয়গণের সহকারী, বীমা উন্নয়ন ও নিয়ন্ত্রণ কর্তৃপক্ষ;
৩. অফিস নথি।



# বীমা উন্নয়ন ও নিয়ন্ত্রণ কর্তৃপক্ষ

৩৭/এ, দিলকুশা বা/এ, ঢাকা  
আইন অনুবিভাগ  
আইন, বিধি ও প্রবিধি প্রণয়ন শাখা  
[www.idra.org.bd](http://www.idra.org.bd)

স্মারক নং: ৫৩.০৩.০০০০.০৭৫.২২.০১৪.১৮. ১৭৮

তারিখ: ০২ জুলাই ২০১৯

সার্কুলার নং- নন-লাইফ ৬৪/২০১৯

বীমা উন্নয়ন ও নিয়ন্ত্রণ কর্তৃপক্ষের স্মারক নং-৫৩.০৩.০০০০.০৭৫.২২.০১৪.১৮.১৬১, তারিখ: ৩০ এপ্রিল ২০১৯ এর মাধ্যমে জারিকৃত সার্কুলার নং- নন-লাইফ ৬১/২০১৯ এবং কর্তৃপক্ষের স্মারক নং-৫৩.০৩.০০০০.০৭৫.২২.০১৪.১৮.১৭১, তারিখ: ০৩ জুন ২০১৯ এর মাধ্যমে জারিকৃত সার্কুলার নং- নন-লাইফ ৬২/২০১৯ রহিতক্রমে সার্কুলার নং- নন-লাইফ ৬৪/২০১৯ এতদ্বারা জারি করা হলো।

বিষয়: নন-লাইফ বীমা কোম্পানিসমূহের আর্থিক ব্যবস্থাপনা প্রসঙ্গে।

বীমা গ্রাহকগণের যথাযথ স্বার্থ সংরক্ষণের নিমিত্তে বীমা কোম্পানিসমূহে Good Governance তথা সুদৃঢ় অভ্যন্তরীণ নিয়ন্ত্রণ ব্যবস্থা নিশ্চিত করণের লক্ষ্যে নিম্নোক্ত পদক্ষেপসমূহ গ্রহণ করতে হবে:

- (১) আদায়কৃত প্রিমিয়াম জমাকরণের জন্য যে কোন পৃথক ০৩ (তিন) টি তফসিলি ব্যাংকে প্রতিটি ব্যাংকে ০১ (একটি) করে সর্বোচ্চ পৃথক ০৩ (তিন) টি হিসাব রাখা যাবে। কোনক্রমেই ০১ (একটি) ব্যাংকে ০১ (একটি) টি সর্বমোট ০৩ (তিন) টির বেশি ব্যাংক হিসাব প্রিমিয়াম জমাকরণের জন্য খোলা যাবে না। বর্তমানে প্রিমিয়াম জমাকরণের জন্য প্রয়োজন অনুযায়ী উল্লেখিতভাবে ০৩ (তিন) টি ব্যাংক হিসাব রেখে বাকিগুলো আগামী ৩১ জুলাই ২০১৯ এর মধ্যে বন্ধ করে দিতে হবে।
- (২) প্রয়োজন অনুযায়ী (ক) মূলধন সংরক্ষণের জন্য ১ (এক) টি ব্যাংক হিসাব এবং (খ) অন্যান্য আয় জমাকরণের জন্য অপর ১ (এক) টি ব্যাংক হিসাব রাখা যাবে।
- (৩) দাবি পরিশোধের জন্য ১ (এক) টি ও ব্যবস্থাপনা ব্যয়ের জন্য ১ (এক) টি ব্যাংক হিসাব রাখতে হবে। সেক্ষেত্রে প্রিমিয়াম জমাকরণ (কালেকশন) হিসাব থেকে প্রয়োজনীয় অর্থ উক্ত হিসাব দু'টিতে ফান্ড ট্রান্সফার করে নিতে হবে।
- (৪) কোন অবস্থাতেই দাবি, কমিশন ও বেতন-ভাতাদির টাকা নগদে পরিশোধ করা যাবে না।
- (৫) শাখা কার্যালয়ের খরচসমূহ নির্বাহের ক্ষেত্রে প্রতিটি শাখায় একটি করে ব্যাংক হিসাব রাখা যাবে। সেক্ষেত্রে কেন্দ্রীয় প্রিমিয়াম জমাকরণ (কালেকশন) হিসাবসমূহ (১ নং দফায় বর্ণিত) থেকে ক্রসড চেক বা ফান্ড ট্রান্সফার ব্যতীত অন্য কোন অর্থ উক্ত ব্যাংক হিসাবসমূহে জমা করা যাবে না।
- (৬) শাখা কার্যালয়ের অন্য যে কোন আয়, কমিশন ফেরত ইত্যাদি ২(খ) নং ব্যাংক হিসাবে জমা করণের ব্যবস্থা করতে হবে।
- (৭) সকল লেনদেন ক্রসড চেকের মাধ্যমে করতে হবে। দাপ্তরিক বিশেষ প্রয়োজনে ১০,০০০/- (দশ হাজার) টাকা পর্যন্ত নগদ উত্তোলন করা যেতে পারে। তবে কোম্পানির পরিচালনা পর্যদ সভার সম্মানী ও তদসংক্রান্ত অন্যান্য ব্যয় নগদে করা যাবে।
- (৮) উপর্যুক্ত নির্দেশনার আলোকে ব্যাংক হিসাবসমূহ বিন্যাস করে আগামী ১২ আগস্ট ২০১৯ তারিখের মধ্যে কর্তৃপক্ষকে অবহিত করতে হবে।
- (৯) বিনিয়োগ সংক্রান্ত FDR এর জন্য ব্যাংক হিসাব খোলার ক্ষেত্রে কর্তৃপক্ষের অনুমোদনের প্রয়োজন নেই। এক্ষেত্রে জনগণের অংশের শেয়ার/IPO, রাইটস ইস্যু এবং লভ্যাংশ প্রদানে পৃথক ব্যাংক হিসাব খোলার জন্য পরিচালনা পর্যদের অনুমোদন নিতে হবে এবং ওই ব্যাংক হিসাব এর বিস্তারিত তথ্য কর্তৃপক্ষকে অবহিত করতে হবে। তবে অন্য যে কোন বিষয়ে কোম্পানির ব্যাংক হিসাব খোলার পূর্বে কর্তৃপক্ষের পূর্বানুমোদন নিতে হবে।

০২/০৭/১৯  
(মোঃ শফিকুর রহমান পাটোয়ারী)  
চেয়ারম্যান

অনুলিপি (কার্যার্থে):

- ১। ব্যবস্থাপনা পরিচালক, সাধারণ বীমা কর্পোরেশন;
- ২। মুখ্য নির্বাহী কর্মকর্তা, সকল নন-লাইফ ইস্যুরেন্স কোম্পানি;

অনুলিপি (সদয় অবগতি):

- ১। গভর্নর, বাংলাদেশ ব্যাংক;
- ২। সভাপতি, বাংলাদেশ ইস্যুরেন্স এসোসিয়েশন;
- ৩। চেয়ারম্যান, সকল নন-লাইফ ইস্যুরেন্স কোম্পানি/কর্পোরেশন;
- ৪। সভাপতি, বাংলাদেশ ইস্যুরেন্স ফোরাম;
- ৫। মাননীয় অর্থমন্ত্রী মহোদয়ের একান্ত সচিব, অর্থ মন্ত্রণালয়, বাংলাদেশ সচিবালয়, ঢাকা;
- ৬। সিনিয়র সচিব মহোদয়ের একান্ত সচিব, আর্থিক প্রতিষ্ঠান বিভাগ, অর্থ মন্ত্রণালয়, বাংলাদেশ সচিবালয়, ঢাকা;
- ৭। চেয়ারম্যান মহোদয়ের একান্ত সচিব, বীমা উন্নয়ন ও নিয়ন্ত্রণ কর্তৃপক্ষ;
- ৮। সদস্য মহোদয়গণের সহকারী, বীমা উন্নয়ন ও নিয়ন্ত্রণ কর্তৃপক্ষ;
- ৯। কর্তৃপক্ষের সকল শাখা প্রধান;
- ১০। অফিস কপি।